



ՃԱՐՏԱՐԱՊԵՏՈՒԹՅԱՆ
ԵՎ ՇԻՆԱՐԱՐՈՒԹՅԱՆ
ՆԱՅԱՍՏԱՆԻ ԱԳՊԱՅԻՆ
ՆԱԽԱՆԱՐԱՆ

*Մեր Համալսարանը
հնի և նորի համալիր
գաղափարակիրն է*

ՀԱՄԱՏԵՂ ՃԱՐՏԱՐԱՊԵՏԱԿԱՆ ՄԻՏՔԸ ՎԵՐԱԾՎԵՑ ՑՈՒՑԱՀԱՆՂԵՍԻ

Անցյալ աշնանը, երբ մեր համալսարանում հյուրընկալեցինք Ռոստովի Ճարտարապետության և արվեստի ակադեմիայի ամբիոնի վարիչ Լյուդմիլա Կատաշևային, քննարկվեցին համագործակցության մի շարք ծրագրեր: Որոշվեց, որ այդ համագործակցության մեկնարկը պետք է տրվի համատեղ ցուցահանդեսով:



Մայիսի 24-ին, արդեն Ճարտարապետության և շինարարության Հայաստանի ազգային համալսարանում, իսկ մեկ ամիս առաջ՝ նաև Ռոստովի Ճարտարապետության և արվեստի ակադեմիայում բացվեց 2-րդ կուրսի ուսանողների նախագծերի առաջին միջազգային ցուցահանդես-մրցույթը: Ցուցահանդեսին մեր համալսարանից և Ռոստովի ակադեմիայից ներկայացված էին 23-ական՝ անհատական տան նախագծեր:

Լավագույն աշխատանքները կխրախուսվեն պատվոգրերով մեր համալսարանի և Ռոստովի ակադեմիայի հանձնաժողովների անդամների կողմից:

ՄԵՐ ՀԱՄԱԼՍԱՐԱՆԻ ՄԱԳԻՍՏՐՈՍՆԵՐԸ

Ճարտարապետության և շինարարության Հայաստանի ազգային համալսարանի ճարտարապետներն ու դիզայներները կոչվեցին՝ այլևս մագիստրոսներ:

Ուսումնական 6 տարվա քրտնաջան աշխատանքից, լսարաններում ու միջանցքներում նախագծերի շուրջ բուռն քննարկումներից հետո, 41 ճարտարապետ և 14 դիզայներ փայլուն կերպով պաշտպանեցին դիպլոմային աշխատանքները՝ արժանանալով բարձր գնահատականների և գովեստի խոսքերի:


Հատկանշական է նաև, որ գերազանց պաշտպանած ճարտարապետների թվում էին նաև 2 իրանցի ուսանող:



ՈԱՏԳԵՐՍԻ ՀԱՄԱԼՍԱՐԱՆԻ ԴԱՍԱԽՈՍՆԵՐԸ ԾԱՆՈԹԱՑԱՆ «ՇԻՆԱՐԱՐԱԿԱՆ ՆԱԽԱԳԾԵՐԻ ԿԱՌԱՎԱՐՈՒՄ» ԴԱՍԸՆԹԱՑԻ ԸՆԹԱՑՔԻՆ

Ճարտարապետության և շինարարության Հայաստանի ազգային համալսարանի, ԱՄՆ Նյու Ջերսիի Ռատգերսի համալսարանի և Հայ օգնության ֆոնդի միջև եռակողմ համագործակցությունը բազմիցս է արձանագրել իր արդյունավետությունը: Այդ համագործակցության շրջանակներում անցկացվել են մի շարք համատեղ դասընթացներ, դասախոսություններ ու ծրագրեր:

Մայիսի 29-ից հունիսի 4-ը կրկին մեր համալսարանում էին հյուրընկալվել Ռատգերսի համալսարանի պրոֆեսորներ Վահան Թանալը և Դավիթ Միքայելյանը՝ ծանոթանալու Շինարարություն մասնագիտության մագիստրոսական կրթական ծրագրում «Շինարարական նախագծերի կառավարում» դասընթացի ներդրման ընթացքին: Դասընթացը մշակել և վարում էին Ռատգերսի համալսարանի «Շինարարական նախագծերի կառավարում» դասընթացի դասավանդման հավաստագրեր ստացած՝ մեր համալսարանի դասախոսներ Մարինե Ղազարյանը, Վարազդատ Հովհաննիսյանը, Իրինա Վանյանը և Գոհար Ավետիսյանը: Նշենք, որ դասընթացը նախատեսված էր Շինարարության ֆակուլտետի բակալավրիատի չորրորդ կուրսի և մագիստրատուրայի ուսանողների համար:



Ռատգերսի համալսարանի պրոֆեսորներ Դավիթ Միքայելյանի, Վահան Թանալի ինչպես նաև մեր համալսարանի Շինարարության ֆակուլտետի դեկան Դավիթ Գրիգորյանի ներկայությամբ՝ դասընթացի 25 մասնակիցները, կազմելով 6 փոքր խմբեր, մշակեցին և ներկայացրեցին առանձին նախագծերի հայեցակարգային փաստաթղթեր: Վերջինների պաշտպանությունը տեղի ունեցավ հունիսի 4-ին: Ուսանողների խնդրանքով՝ պրոֆեսորներ Դավիթ Միքայելյանը և Վահան Թանալը հանդես եկան "Թունելների կառուցման տեխնոլոգիա և կառավարում" դասախոսությամբ:

Հարկ է նշել, որ այցի ընթացքում ամերիկյան պատվիրակությունը հանդիպում ունեցավ նաև ռեկտոր Գագիկ Գալստյանի հետ՝ համալսարանի ադմինիստրատիվ

ղեկավարների և հավաստագրեր ստացած դասախոսների մասնակցությամբ: Քննարկվեցին դասընթացի ներդրման հետ կապված հարցեր:

«Շինարարական նախագծերի կառավարում» դասընթացն այսքանով, սակայն, չամփոփվեց: Մասնակիցներին մասնակցության հավաստագրեր կտրվեն հոկտեմբեր ամսին, երբ Ռատգերսի համալսարանի պատվիրակությունը կրկին կժամանի Հայաստան ու կայցելի Ճարտարապետության և շինարարության Հայաստանի ազգային համալսարան:

Դասընթացը մշակեցին և վարեցին ՃՀՀԱՀ-ում 2016-2017 թ.թ. Ռատգերսի համալսարանի կողմից վերապատրաստված և 2017 թ. հոկտեմբերի 10-ին «Շինարարական նախագծերի կառավարում» դասընթացը դասավանդելու թույլտվություն և համապատասխան հավաստագիր ստացած դասախոսներ Մ.Ղազարյանը, Վ.Հովհաննիսյանը, Ի.Վանյանը, Գ.Ավետիսյանը:




Ռատգերսի համալսարանի, Հայ օգնության ֆոնդի և Ճարտարապետության և շինարարության Հայաստանի ազգային համալսարանի միջև համագործակցության շրջանակում 2018 թ. մայիսի 29-ից հունիսի 4-ը համալսարանում են հյուրընկալվել պրոֆեսորներ Վահան Թանալը և Դավիթ Միքայելյանը՝ ծանոթանալու "Շինարարություն" մասնագիտության մագիստրոսական կրթական ծրագրում "Շինարարական նախագծերի կառավարում" դասընթացի ներդրման ընթացքին: Դասավանդումն իրականացվում է Ռատգերսի համալսարանի "Շինարարական նախագծերի կառավարում" դասընթացի դասավանդման հավաստագրեր ստացած 4 դասախոսների՝ Մարինե Ղազարյանի, Վարազդատ Հովհաննիսյանի, Իրինա Վանյանի և Գոհար Ավետիսյանի կողմից:

ՄԵՐ ՈՒՍԱՆՈՂՆԵՐԻ ՆԱԽԱԳԻԾԸ ԿՈՐՈՒՆԻԱՅՈՒՄ ԱՐԺԱՆԱՑԱԿ ԲԱՐՁՐ ԳՆԱՀԱՏԱԿԱՆԻ

Մարտի 4-10-ը Գերմանիայի Ռեգենսբուրգի կիրառական գիտությունների համալսարանում անցկացվեց Էրազմուս+ ծրագրի շրջանակներում իրականացվող Յակոբուս + 23-րդ ամենամյա ուսանողական նախագծային շաբաթը:

Աշխատանքային շաբաթին Իսպանիայի Կորունիայի, Գերմանիայի Ռեգենսբուրգի համալսարանների և Ֆրանսիայի Կլերմոն-Ֆերրանի բարձրագույն ճարտարապետական դպրոցի հետ համատեղ մասնակցում էին նաև Ճարտարապետության և շինարարության Հայաստանի ազգային համալսարանի ուսանողները: 58 ուսանողի համար քննարկման թեմա էր արդյունաբերական և պատմական հուշարժան համարվող Ռեգենսբուրգի հացահատիկի շտեմարանի համալիրը, որն ապագայում դադարեցրել էր է իր հիմնական գործունեությունը: Ուսանողների առջև խնդիր էր դրված եղել առաջարկել համալիրի օգտագործման՝ ճարտարապետական և բովանդակային նոր մոտեցումներ:



Ողջ շաբաթվա ընթացքում ուսանողներն այցելել էին տարածք, ծանոթացել առաջադրանքին և տարբեր խմբերով մշակել իրենց առաջարկներն ու հայեցակարգերը:

Աշխատանքային շաբաթվա ավարտից հետո, յուրաքանչյուր ուսանող վերադառնալով իր երկիր, ձեռնամուխ էր եղել նախագծերի մշակմանը, որն իրենից պետք է ներկայացներ բազմաֆունկցիոնալ՝ մշակութային և բիզնես կենտրոններով հագեցած համալիր: Մեր համալսարանի մասնակից 5 ուսանող նույնպես շուրջ 2 ամիս քրտնաջան աշխատում էին՝ ստեղծելու հացահատիկի շտեմարանի վերակառուցման իրենց պատկերացումներով նախագիծն ու մակետը:

Մայիսի 27-ից հունիսի 4-ը Իսպանիայի Կորունիայի համալսարանում տեղի ունեցավ նախագծերի շնորհանդես մրցույթը: Արդյունքում՝ մասնակից յուրաքանչյուր համալսարանից հաղթող ճանաչվեց մեկ նախագիծ:

Մեր համալսարանից մրցույթին ներկայացված էր 2 նախագիծ, որից մեկն արժանացավ հաղթանակի և իր յուրահատուկ մոտեցման շնորհիվ՝ հիացմունքի ու գովեստի խոսքերի:

Քննական շրջանը մեկնարկեց

Լարված ենք, հուզված ենք, պատրաստ ենք...




ՖՐԱՆՍԻԱՅԻ ՃԱՐՏԱՐԱՊԵՏՆԵՐԻՆ ՄԵՐ ՀԱՄԱԼՍԱՐԱՆ Է ԲԵՐԵԼ ԼՈՌԿԱ ՄԱՐԶԻ ՄՇԱԿՈՒԹԱՅԻՆ ԺԱՌԱՆԳՈՒԹՅՈՒՆԸ

Հունիսի 28-ին, մեր համալսարան էր ժամանել Ֆրանսիայի Տուլոնի համալսարանի պատվիրակությունը՝ վերականգնող ճարտարապետ Ժակ Ռիբերի գլխավորությամբ: 5 հոգանոց ֆրանսիական պատվիրակության այցը մեր երկիր և մեր համալսարան ինչպես ճանաչողական, այնպես էլ աշխատանքային ու հեռանկարային է: Պատվիրակությունը հետաքրքրված է Լոռվա մարզի մշակութային ժառանգությամբ և մեր համալսարանի հետ հավանական համագործակցությամբ:

Եռօրյա այցի առաջին օրը պատվիրակությանն ընդունել է ռեկտոր Գագիկ Գալստյանը: Ողջունելով հյուրերին՝ ռեկտորն ընդգծել է մեր և ֆրանսիական համալսարանների միջև սերտ համագործակցությունը և հույս հայտնել Տուլոնի համալսարանի հետ նույնպես մոտ ապագայում փոխգործակցության եզրեր գտնելու վերաբերյալ:



Տուլոնի պատվիրակությունը, մեր համալսարանի Ճարտարապետության տեսության, պատմաճարտարապետական ժառանգության վերականգնման, վերակառուցման, գեղեցիկ արվեստի և պատմության ամբիոնի վարիչի ժ/պ դոցենտ Էմմա Հարությունյանի, ամբիոնի դասախոսներ Նարեկ Հասրաթյանի, Հասմիկ Մալխասյանի, Ճարտարապետության թեկնածու, պրոֆեսոր Լյուբա Կիրակոսյանի, Հուշարձանների չափագրման և ախտորոշման լաբորատորիայի վարիչ Մարինա Բունիաթյանի և մեր համալսարանի մի քանի շրջանավարտների հետ կազմակերպեցին ընդհանուր քննարկում: Ֆրանսիացի ճարտարապետները ներկայացնում են իրենց համալսարանի գործունեությունը՝ հուշարձանների վերականգնման ոլորտում, իսկ Մարինա Բունիաթյանը՝ մեր համալսարանի Հուշարձանների չափագրման և ախտորոշման լաբորատորիայի կատարած աշխատանքները, մասնավորապես, եռաչափ տեխնոլոգիաների կիրառմամբ հայկական ճարտարապետական նմուշների իրական և վերակազմավորման եռաչափ մոդելների ստեղծման վերաբերյալ:



Հաջորդ օրն արդեն մեր և Տուլոնի համալսարանների պատվիրակությունների այցելեցին Օժուն և Ախթալա, որտեղ տեղում ծանոթացան պատմամշակութային ժառանգությանը և կատարեցին ուսումնասիրման, չափագրման աշխատանքներ:

ԲԱՐԻ ԵՐԹ ՄԻՐԵԼԻ ՇՐՋԱՆԱՎԱՐՏՆԵՐ







ՄԵՐ ՈՒՍԱՆՈՂՆԵՐԻ ՆՈՐԱՐԱՐ ԳԱՂԱՓԱՐԸ ՀԱՂԹՈՂ ՃԱՆԱԶԿԵՑ

Ճարտարապետության և շինարարության Հայաստանի ազգային համալսարանի Նորարարության և ձեռներեցության աջակցման կենտրոնը նորարարական գաղափարների ստեղծմանն ու զարգացմանը խթանող բաց հարթակ է բոլոր երիտասարդների, ուսանողների և դասախոսների համար: Կենտրոնը հարմարավետ միջավայր է տրամադրում ստարտափերին և նորարար խմբերին

գաղափարների զարգացման համար և աջակցում նորարար գաղափարների ստեղծմանը, իրագործմանն ու առևտրայնացմանը:

Դիզայներ Գայանե Հակոբյանը՝ ղեկավար Լիլիթ Ումեդյանի ղեկավարությամբ, իր դիպլոմային աշխատանքը՝ «Bask cleaner» սարքը, ներկայացրեց Նորարարության և ձեռներեցության աջակցման կենտրոն, և վերջինիս աջակցությամբ կազմավորեց թիմ՝ ներառելով ուսանողներ՝ ծրագրավորող Հենրիկ Սերգոյանին և տնտեսագետ Տաթև Դանիելյանին:



«Bask cleaner» սարքի հիմնական գործառնությունը հանդիսանում է ջրային ավազանների մակերևույթին լողացող աղբի հավաքումը: Սարքի արտաքին տեսքը նմանեցված է հսկա շնաձկան բերանի կառուցվածքին: Կողային հատվածներում կան ձեղքեր, որոնք կատարում են նույն ֆունկցիան, ինչ շնաձկան խռիկային ձեղքերը՝ ապահովելով մաքուր ջրի ելքը սարքի միջից: Սարքի առանձնահատկություններից է նաև այն, որ աշխատում է բացառապես արևի էներգիայով:

Նախագիծը հունիսի 30-ից հուլիսի 1-ը մասնակցեց UNDP անտառային և դաշտային հրդեհների կառավարման ծրագրի, UNDP Իմփաքթեյմ աքսելերատորի և Նորարարական լուծումների ու տեխնոլոգիաների կենտրոնի հետ համատեղ

կազմակերպված Climate Tech Հաքաթոնին: Այն Հայաստանում իր տեսակի մեջ առաջին հաքաթոնն էր, որն ուղղված էր կլիմայի փոփոխության հետևանքով անտառային և գյուղատնտեսական ոլորտներում առկա մարտահրավերներին դիմակայելու նորարարական լուծումների ստեղծմանը:

Հաքատոնին աշխատանքներ էին ներկայացված 3 անվանակարգերում՝ «Լավագույն լուծում անտառային տնտեսության համար», «Լավագույն լուծում գյուղատնտեսության համար» և «Ամենանորարարական գաղափար»:

Մեր համալսարանի թիմի «Bask cleaner» ստարտափը հաղթող ճանաչվեց «Ամենանորարարական գաղափար» անվանակարգում՝ արժանանալով դրամական պարգևի:

ԼՈՂԱՓՆՅԱ ԿՈՆՅԵՐՈՒՄ ՃԵՅԱՅԻ ԱՌԱՋԻՆ ՓՈՐՁԸ ԵՎ ՀԱՋՈՂՈՒԹՅՈՒՆԸ

Սույն թվականի հուլիսի 4-6-ը «Գրանդ Սպորտ» մարզահամալիրում տեղի ունեցավ ՀՀ 2018թ. լողափնյա վոլեյբոլի տղամարդկանց և կանանց առաջնությունները: Մեր համալսարանը առաջին անգամ էր մասնակցում այս մրցաշարին Անդրե Սիմոնի և Թելման Կարապետյան զույգով:



Մեր թիմը բավականին լավ հանդես եկավ այս մրցաշարում՝ հասնելով մինչև եզրափակիչ: Եզրափակիչում մեր տղաները լարված պայքարում պարտվեցին ՀՀ տղաների հավաքականը ներկայացնող տղաներին:

Շնորհավորում ենք մեր թիմին և մեր բոլորին այս հաջողության կապակցությամբ՝ հետագայում ցանկանալով նորանոր հաղթանակներ:

ՄԵՐ ՀԱՄԱԼՍԱՐԱՆՈՒՄ ԱՆՑԿԱՑՎԵՑ ԿԵՆՏՐՈՆԱԿԱՆ ԵՎ ԱՐԵՎԵԼՅԱՆ ԵՎՐՈՊԱՅՈՒՄ ՖՀԳ ՏԱՐԵԿԱՆ ԺՈՂՈՎԸ

Ֆրանսախոս ուսանողների յոթերորդ փառատունը՝ «Տարբեր ենք, բայց միասին» խորագրով, այս տարի անցկացվեց Երևանում: Այս տարի համընդհանուր հաղորդակցման լեզուն համախմբել էր 53 ուսանող ֆրանսախոս ուսանողների, որոնք ժամանել էին 17 երկրից՝ Ալբանիայից, Բոսնիա-Հերցեգովինայից, Բուլղարիայից, Թուրքիայից, Լիտվայից, Խորվաթիայից, Հայաստանից, Հունգարիայից, Ղազախստանից, Մակեդոնիայից, Մոլդովայի Հանրապետությունից, Ռումինիայից, Ռուսաստանի Դաշնությունից, Սերբիայից, Սլովակիայից, Վրաստանից, Ուկրաինայից:



Երևանում կայանալիք Ֆրանկոֆոնիայի XVII գագաթաժողովի շրջանակներում՝ Կենտրոնական և Արևելյան Եվրոպայում Ֆրանկոֆոնիայի համալսարանական գործակալության շրջանային տնօրինությունը ցանկություն էր հայտնել իր աշխատակազմի տարեկան ժողովը կազմակերպել Երևանում, մասնավորապես, ճարտարապետության և շինարարության Հայաստանի ազգային համալսարանում:

Եվ, հաշվի առնելով մեր և ֆրանսիական մի շարք համալսարանների հետ համագործակցային կապը, ֆրանկոֆոն միջոցառումների իրականացման նկատմամբ մեր հետաքրքրությունը և մեր համալսարանի Ֆրանկոֆոնիայի համալսարանական գործակալության ակադեմիական նվաճումների կենտրոնի ակտիվ գործունեությունը՝ հուլիսի 6-ին, համալսարանում կայացավ Կենտրոնական և Արևելյան Եվրոպայում Ֆրանկոֆոնիայի համալսարանական գործակալության աշխատակազմի տարեկան

Ժողովը: Հավաքին մասնակցում էին Հայաստանից, Ալբանիայից, Բուլղարիայից, Վրաստանից, Մոլդովայի Հանրապետությունից և Ռումինիայից ժամանած 22 գործընկերներ:



Մինչև ժողովի մեկնարկը՝ մեր համալսարան ժամանած պատվիրակությանն ընդունեց ռեկտոր Գագիկ Գալստյանը: Ռեկտորը ողջունեց հյուրերին և հայ-ֆրանսիական կրթական ու մշակութային կապերի ամրապնդման տեսանկյունից կարևորեց մեր մայրաքաղաքում անցկացված փառատոնը, ինչպես նաև 22 երկրների ներկայացուցիչների մասնակցությամբ համաժողովը: Գագիկ Գալստյանը ներկա գտնվեց նաև ժողովի բացման արարողությանը և հաջողություն մաղթեց մասնակիցներին:

Ճարտարապետության և շինարարության Հայաստանի ազգային համալսարանի ռեկտոր Պարոն Գագիկ Գալստյանին

Պարո՛ն Ռեկտոր

Ամենայն անկեղծությամբ խորին շնորհակալությունս եմ հայտնում Ձեր համալսարանի կողմից պատրաստակամության դրսևորման և Կենտրոնական և Արևելյան Եվրոպայի ֆրանկոֆոն ուսանողների փառատոնի, աշխատակազմի հանդիպման կազմակերպման գործում համագործակցության համար: Ֆրանկոֆոնիայի գագաթնաժողովին ընդառաջ սա ուսանողական 7-րդ փառատոնն էր՝ «Տարբեր միասին» խորագրով:



Այս փառատոնի հաջողությունը Ձեր համալսարանի և Ձեր աշխատակիցների ակտիվ ներգրավվածության և աջակցության շնորհիվ էր: Ձեր համալսարանի շնորհիվ Կենտրոնական և Արևելյան Եվրոպայի տարածաշրջանային աշխատաժողովն անցկացվեց լավագույն պայմաններում:

Մասնավորապես զգացված եմ Ձեր աշխատակիցների պատրաստակամության և ներդրած ջանքերի, մեզ անհրաժեշտ ռեսուրսներ տրամադրելու, ինչպես նաև ակտիվ մասնակցության համար:

Եվս մեկ անգամ շնորհակալություն հայտնելով Կենտրոնական և Արևելյան Եվրոպայի ուսանողական փառատոնի և աշխատաժողովի հաջողությանը նպաստելու համար՝ խնդրում եմ ընդունել, պարոն Ռեկտոր, առանձնահատուկ ողջույններս:

Հարգանքով՝ Մուհամեդ Կետատա
Տարածաշրջանային տնօրեն
Կենտրոնական և Արևելյան Եվրոպայում
Ֆրանկոֆոնիայի համալսարանական գործակալություն

Բուխարեստ, 18 հուլիսի 2018թ.

ՄԱՍՆԱԿՑԵՑԻՆՔ ՍՏԱՄԲՈՒԼՈՒՄ ԱՆՑԿԱՑՎԱԾ ԱՄԱՌԱՅԻՆ ԴՊՐՈՑԻՆ

Այս տարվա փետրվարին էր, երբ Ճարտարապետության և շինարարության Հայաստանի ազգային համալսարանի պատվիրակությունը, «Հրանտ Դինք» հիմնադրամի և Գյումրու «Երիտասարդական նախաձեռնությունների կենտրոն»-ի հասարակական կազմակերպության հետ համագործակցության շրջանակներում, մեկնեց Թուրքիա:



Այստեղ պատվիրակության անդամները հանդիպումներ ունեցան «Հրանտ Դինք» հիմնադրամի ներկայացուցիչների, Արքեպիսկոպոս Լևոն Զեքիյանի հետ, այցելեցին պատմական տարածքներ, դպրոցներ, թանգարաններ, Ստամբուլի MEF համալսարան, որտեղ հանդես եկան Ճարտարապետության վերաբերյալ դասախոսություններով:

Առաջին իսկ այցն անպտուղ չէր: Մեր համալսարանի ուսանողները՝ 6 թուրք ուսանողի հետ, նախագծել, ապա՝ իրականացրել էին Ստամբուլի Հայկական եկեղեցու հովանու ներքո գտնվող հայկական մանկապարտեզի խաղահրապարակի նախագիծը:

Հերթական այցը Ստամբուլի MEF համալսարանի հրավերով և «Հրանտ Դինք» հիմնադրամի ֆինանսավորմամբ էր:

Հունիսի 25-ից հուլիսի 13-ը մեր համալսարանի Ճարտարապետության ֆակուլտետի Ճարտարապետական նախագծման և Ճարտարապետական միջավայրի դիզայնի ամբիոնի դասախոսներ Արթուր Եղիկյանը և Գրիգոր Բաբաջանյանը՝ 5 ուսանողի հետ, Ստամբուլում մասնակցեցին ամառային դպրոցի:



Հագեցած աշխատանքային օրերն ամփոփվեցին մեր ուսանողների գործերի հանդեպ հիացական վերաբերմունքով և հավաստագրերով:

ՊԵԿԻՆՅԱՆ ԱՍՏՈՒՅԻՆ ԴՊՐՈՑԸ ՏՊԱՎՈՐԻՉ ԷՐ ԵՎ ՀԵՌԱՆԿԱՐԱՅԻՆ

Հուլիսի 14-28-ը՝ Ճարտարապետության և շինարարության Հայաստանի ազգային համալսարանի Ճարտարապետության ֆակուլտետի 4 ուսանող՝ 3 շինարար ու 1 ճարտարապետ, դեկանի տեղակալ, դասախոս Արմեն Շատվորյանի ղեկավարությամբ մեկնել էին Չինաստան՝ մասնակցելու Պեկինի Ճարտարապետական և շինարարական համալսարանի կազմակերպած BUCEA միջազգային ամառային դպրոցին, որին մասնակից էին նաև պատվիրակություններ Մեծ Բրիտանիայից և Բուլղարիայից:



Երկշաբաթյա հավաքի ընթացքում ուսանողների առօրյան հագեցած և բազմազբաղ էր ամենօրյա տարբեր թեմաների դասընթացներով և դասախոսություններով, ինչպես նաև ճանաչողական էքսկուրսիաներով: Մեր կողմից ևս Արմեն Շատվորյանը հանդես է եկել դասախոսություններով՝ «Ճարտարապետական մակետաշինություն», «բազմաչափ ճարտարապետություն» թեմաներով, ինչպես նաև ներկայացրել էր Հայաստանը, հայկական ճարտարապետության առանձնահատկությունները և մեր համալսարանի ծավալած գործունեությունը:

Մեր համալսարանի պատվիրակությունը հանդիպումներ է ունեցել Պեկինի համալսարանի Ճարտարապետական և շինարարական ֆակուլտետների ադմինիստրատիվ և դասախոսական կազմի, ինչպես նաև համալսարանի ղեկավարության հետ քննարկելով հետագա համագործակցության, փոխադարձ այցելությունների վերաբերյալ հեռանկարային հարցերը:

ՄԵՐ ԵՎ ԳԵՌՐԳ ՕԳՈՒՄՏԻ ՀԱՄԱԼՍԱՐԱՆՆԵՐԻՆ ՄԻԱԿՈՐԵՑ ՀԱՅԱՍՏԱՆԻ ՔԱՐԵ ՃԱՐՏԱՐԱՊԵՏՈՒԹՅՈՒՆԸ

Հայկական ճարտարապետությունն՝ այս անգամ գերմանացի պրոֆեսորների հետաքրքրության առարկա:

Ճարտարապետության և շինարարության Հայաստանի ազգային համալսարան են ժամանել Գեոտինգենի Գեորգ Օգուստ համալսարանի պրոֆեսոր, դոկտոր Զիգֆրիդ Զիգեսմունդը, դոկտոր Վիդեքինդը և ասպիրանտ Քրիստոֆեր Փեոթցը:

Մեր և Գեորգ Օգուստ համալսարանների միջև համագործակցությամբ մեկնարկեց «Հայաստանի պատմական քարե ճարտարապետության պահպանումը» ծրագիրը:

Ծրագրի շրջանակում կկազմակերպվի 3 ամառային դպրոց, որի նպատակն է մշակութային ժառանգության քարե օբյեկտների դաշտային և լաբորատոր ուսումնասիրության միջոցով նպաստել ուսանողների և երիտասարդ գիտնականների պրակտիկ հմտությունների զարգացմանը:



Գերմանիայի պատվիրակությանը ողջունեց և աշխատանքային ու համագործակցային բեղմնավոր ընթացք մաղթեց ռեկտոր Գագիկ Գալստյանը, որից հետո վերջիններս շրջայց կատարեցին մեր համալսարանում, ծանոթացան լաբորատորիաներին և արվեստանոցներին:



Ճարտարապետության և շինարարության Հայաստանի ազգային համալսարան